

痘疹世醫心法

痘疹世醫心法卷之三

出見證治歌括

凡二十二首

熱蒸三日痘現形

此為常候不須評

過期不及多乖氣

論治先分虛實因

痘瘡之毒蘊伏在裏非熱蒸則無自而出是以古書云熱蒸三日而斑生發熱三日痘瘡以漸旋出者不論疎密皆吉得常候也疎者不須服藥密者以和中解毒之劑審而調之如纔發熱一二日間痘瘡便一齊湧出者須問其曾數日前有熱否如曾數日前進退熱以過期論惟原未發熱至今纔熱便斑現此表氣虛榮熱衛弱腠理不密肌肉不實不能約束於外使毒火冲擊故出太驟也

立用實表之劑可以無痒癩無潰爛實表解毒湯主之一百一十

如發熱四日至五六日後始出者須審視曾有外感內傷否蓋傷

風寒傷食之熱久而不去則所蘊瘡痘之毒亦能乘間而出不可

以過期論惟無內傷外感之因一向熱而不出此裏氣虛不能驅

逐其毒使之即出而毒邪得以留連停伏於臟腑腸胃之間宜先

用托裏之劑令其快出次以和中之劑多服之可以無伏無陷無

倒靨托裏宜托裏快斑湯一百十三或十宣散三十七和中宜四

君子湯二十加黃耆或調元湯十八合勻氣散十三主之

發熱微上報痘疎

未曾起發早先收

此名試痘休空喜

一湧齊來甚可憂

痘曰聖瘡調變化莫測也有等身無大熱報痘又疎也不貫膿也  
不結靨三五日後痕跡不見者此名試痘不可誤作輕看再過三  
五日忽作大熱其痘一齊湧出此有險逆二證宜審治之

蘄水縣華桂山李雙溪家戊申春出痘長子病痘死次子出二  
三粒未起發而沒身亦無熱在外馳騁是時予尚未與結親也  
及吾婿病乃請予往予謂雙溪曰小令嗣神采明潤形體充實  
出痘必輕次令嗣氣色昏黯精神倦怠出痘必重衆皆曰已出  
過二三粒而收也予曰不然痘出雖有輕重未有不成膿結如  
者先者試痘其證為逆身雖無熱伏在內也時一替者談星謂  
有大災衆共笑之過數日復作大熱一齊湧出身無空膚予用

參耆歸芎甘草節以養氣紅荊防木通青皮牛旁子連翹金銀  
花酒炒苓梔桔梗以解其毒作大劑一日一服調理至十三日  
後遍身潰爛不即收醫予改用十全大補湯去桂加白芷防風  
服之外用敗草散貼襯前後三十餘日而安噫不有予在安知  
不如瞽者之言

瘡出遲遲有數般

皮膚閉密屬風寒

內虛自利須分辨

毒伏三焦治却難

痘疹之出自有常期如過期應出不出有數證不同不可不辨  
內素實之人皮厚肉密毒氣難於發越一旦恃其體厚不怯風寒  
又為外邪所襲或腠素弱者風寒易感以致腠理閉密氣血凝滯

不出也其證頭痛四肢拘急佞倚益履常惡風寒此類宜  
發之氣強者用雙解散三氣弱者用參蘇飲三或性慍散一百十  
或內匿者脾弱食少宜用補脾之劑加行氣發表藥四君子湯二  
調元湯十八並加木香青皮黃耆桂枝或臟腑自利宜用溫裏之  
劑黃耆建中湯三十一益黃散四十五並與奪命丹十七合進利  
未止者豆蔻丸四十三合進蓋裏溫則氣不消削氣不消削則不  
陷伏矣若依上法分治猶不出者此毒壅伏於三焦不久而變生  
焉

本邑王芸野子二歲庚申四月發熱出紅點一二粒先請喻醫  
未經歷其事者呼為順痘再請予視之見其額頰青氣年上赤

光乃告之曰此險痘也先出者名試痘中氣不足毒氣隱伏故出不快也以調元湯加防風木香服後其痘旋出喜無他證十  
三日而安

數日蒸蒸出不齊

欲行疎發竟生疑

按方加藥觀瘡勢

表裏平和痘本稀

聞人氏規云是瘡疹證熱數日而不發見者進退皆難便欲大發之懼其本稀而成斑爛不發之又無以出其毒氣古人立論始以藥微發之微發不出則加藥加藥不出則大發之大發之後所出不多氣候和平無他證者即是瘡本稀不可更發也以此言之發不至太過守不至不及乃用藥之貴活也愚按古方用發表者升

麻葛根湯輕劑也惺惺散重劑也謂微發謂加藥者或先用輕劑後用重劑或只用本劑先小作湯少飲之後漸加大多飲之非謂於本方之外再加辛熱大發之藥也

應出不出却如何

發表和中良驗多

腹脹屎鞭煩躁甚

通腸解毒較沉痾

凡痘疹過期應出不出者或因外感風寒依上發表之法或因內虛泄瀉依上和中之法如按法調治猶不出快熱反甚大渴腹脹滿大便鞭結不通煩躁不安者此毒邪壅伏於內三黃丸八柴胡飲子九十九擇而用之甚則三承氣湯主之三十並用胆導法

五十一 聞人氏云且身熱脉數大便秘而腹脹此熱毒壅遏未見



形狀者當微下之非微下則熱不減此是始者熱在裏斑未出之時也若斑點隱隱在皮膚中者是已發越在表瘡正發時則不可妄下也又有結膿塞而死之際脉尚洪數能食而大小便秘此表已罷裏有熱毒宜微利之大抵臟腑有熱往往利大小便者以其主出而不內故也

本邑余龍泉只一子光庭庠生也年十九染痘發熱五日不出請予及韓兩峯治之兩峯明醫與予素厚予問其證未更衣三日診其脉細而數雖有下證元氣怯弱不可下也乃謂兩峯使作煎導法不得通病者煩躁家人惶惶予思發熱日久毒留其中燥糞閉塞肛腸乾枯氣不得行血不得潤胆導力小不能通

也自立一法取猪朮胞一枚以猪胆汁半杯清油半杯蜜半杯  
三物攪勻入胞中如作胆導法取下燥屎二十餘枚氣迴熱解  
神清而痘亦出矣予笑曰此法外之意可以垂法於後矣韓亦  
心服

胡三溪初生二子丁酉年徃監乃以長子托予次子托萬紹紹  
名醫也戊戌春長子先出痘予守治十一日而安次子續出痘  
紹不知小兒痘證強以為知予聞其子乍熱乍退兩足俱寒數  
日不大便痘先出者猶是紅點亦不起發乃悉三溪之好徃視  
之驚曰此逆痘也紹曰順痘何以驚為予詰之曰何謂順痘紹  
曰熱微毒亦微熱甚毒亦甚今熱不甚故云順也予曰不然痘

本火毒待熱而發如發熱而不煩不渴大小便如常精神清爽者此熱在表其裏無邪毒火發越而痘易出易靨也若煩躁不安大小便難昏昏喜睡此毒火內蘊不得發越表熱雖微內熱則甚何謂熱微毒亦微也此子乍熱乍退者毒火之往來也大便不通者毒火之鬱遏也痘見紅點而不起發者毒火之陷伏也足冷者火極而蕪水化謂之厥逆也紹不以為然至次日紅點俱沒煩躁轉甚紹曰此內收也予笑其狂家人惶上請予治之予嘆曰醫貴同心彼執偏見以致誤人非此見之數醫之咎也翌日死

痘出常須令氣勻

更宜和緩氣如春

氣勻出快無滯滯

偏熱偏寒氣不行

張氏從道云瘡疽氣勻即出快蓋氣勻則榮衛無滯勻氣之藥如桂枝防風荆芥穗薄荷葉所以行在表之氣而使之無滯也故凡發表之劑多用之木香青皮枳殼木通所以行在裏之氣而使之無滯也故凡和中之劑多用之又瘡出之時常宜和煖如三春發生之氣則氣血和暢自然其出快其發透其醫齊若偏於太熱則壯火食氣其氣反匿而不能行偏於太寒則氣凝澁而不得行夫瘡出熱退毒已盡

蒸蒸不減毒尤甚

番次常出漸加多

外邊只怕乖形證

痘瘡之證其初不免於發熱者未出毒邪在裏煎熬氣血薰蒸

腑而然瘡既現形則毒洩而熱解所以瘡出熱退者瘡本必疎若  
瘡已出熱不少減此毒蘊於中其勢方張其瘡必密宜急解其毒  
運翹升麻湯六加防風荆芥穗地骨皮或解毒防風湯一百一加  
升麻或東垣黍粘子湯一百七服湯之後瘡或不出或再出其熱  
頗減者為氣和也熱若不減瘡漸加多再消詳大小便何如大便  
不通柴胡飲子九十九小便不利連翹湯八十八大小便俱不通  
八正散四十六自利者黃芩湯四十一加白頭翁酒黃連調赤石  
脂末裏氣和鮮毒矣如更加渴煩躁不已或譫妄或腹脹滿氣促  
或自利不止手足厥冷此乖戾之證勿治

麻城橫河鄭清溪之妻劉松石之外甥女也嘗生數子皆死於

痘戊午冬一子甫五歲出痘先請傳醫治之服保元湯熱甚  
又請李醫至曰險痘也清溪夫婦不安乃託吾邑汪王虹敦請  
王虹乃清溪之妹夫也予往視之曰此順痘也期十八日而安  
不須服藥往皆曰今自發熱日計已六日矣何以又要十八日  
况痘不服藥何以得痊今進保元湯三劑矣尚有一劑未服予  
告之曰痘瘡不可以日期算只看痘出已盡發已透膿已滿而  
後收靨可期也今痘出而熱轉甚者出未盡也由服保元湯犯  
實上之戒故令出遲靨亦遲矣吾聞善攻者不如善守本無他  
病何以藥為吾為尔保全是子無憂也清溪聞其言撫掌大笑  
曰早聞金王之論使吾夫婦有賴矣傳李二醫未去皆深服之

出現先於面部中

其間凶吉妙難通

遠唇夾頰方為吉

額角眉心總是凶

經曰諸痛痒瘡皆屬心火心之華在面痘瘡之火其出先在於面但觀其出之部位可以知其候之凶吉如先在唇四畔出者主蓋太陽之邪下傳陽明陽明者胃與大腸積陳受朽氣血俱多又口為水星頰屬腎水火為水制不能作虐也如在額角眉心先出者凶蓋太陽足壬膀胱水手丙小腸火丙火独旺不受壬水之制其毒併於膀胱之經而先自病膀胱多氣少血又正額屬心火火不務德妄行無忌心為君主之官主危則十二官皆危矣凡起發成漿結痂亦如此論

頭面呼為元首尊

咽喉緊隘則津

莫教瘡子多稠密

鎖項蒙頭總不應

經曰頭者精明之府又曰春氣者病在頭可見頭乃人真元會聚之所為發生之本又面列五官分五行而五臟之華皆見於面是頭面者人君之象至貴至尊不可凌犯者也咽者胃脘水穀之道路也主內而不出喉者肺脘呼吸之往來也主出而不內在人之身譬猶閔津要路也瘡痘之出最要頭面稀少頸項無方是吉兆若頭面多者謂之蒙頭諸陽獨亢五官俱廢神明失守精華自萎經云神去則机息氣止則化絕者此也頸項多者謂之鎖項內者雖出外者雖入上者不升下者不降經云一息不運則机絀窮一



毫不續則腎寒判者此也故皆不治又五心有痘者重調心火而及  
兩手兩足心也 即勞宮湧泉二穴

胸前頭面總宜察

手足雖多不用憂

若是遍身都密甚

却愁氣血不能周

陳氏文中曰痘瘡輕者作三四次出頭面稀少胸前無蓋頭面者  
諸陽之會腦者諸陽之所受氣此數處痘子宜少不宜多以清陽  
之分不可洩亂也手足雖諸陽之本乃身所役使卒伍卑賤之戚  
非若頭面為元首也又曰 凶末非若醕隔心肺之居神明之舍也  
故雖稠密不必憂也若頭面腦項手足稠密瑣細一樣者却愁氣  
血衰微脾胃虛弱不能周流灌注起發不透收靨太遲而生他毒

矣

最宜磊落如珠豆

偏怕相粘聚作堆

蚕殼蛇皮生不久

蚤斑蚊跡死相隨

凡痘瘡之出不論疎密而論磊落若磊磊落落如珠如豆顆粒分明尖員緊實雖密無妨此謂出盡無留毒也如粘聚成叢模糊作塊不分顆粒恰如紅瘤雖只一二處未可言疎此謂之伏出未能盡若待後者再出則先者或陷而復隱或痒而俱潰成壞瘡矣此猶淹延引日久而後斃若如蚤之殼如蛇之皮此氣至而血不赴也謂之乾枯如蚤之咬如蚊之嘍此血至而氣不充也謂之陷伏不能引日奄忽而死矣

初出形來艷色嬌

定知皮嫩不堅牢

溶溶破損添愁緒

箇箇成漿喜氣饒

瘡初出與未病時皮色一般者善若瘡太赤根下皮色通紅此血熱氣不能管束也後必起發太驟皮嫩易破痒癩而不可救宜急解血分之熱四物湯十九加升麻地骨皮紅花紫草或消毒飲十六活血散十四合而飲之待色少淡急補氣分之不足四君子湯二十加黃耆防風木香或調元湯十八參苓白朮散二十三合而飲之仍用血氣二方相間而服若成漿不破損吉服藥不劫反增痒痒者命也

本邑胡近城次子未出痘先兩頰赤燥請予八子邦靖醫治

靖曰傷寒論云面色緣緣赤者陽明熱也若不預解至出痘時此處必甚稠密而亦貫串難壓教以升麻葛根湯加防風牛蒡子連喬三服而紅色盡去痘出亦疎時庚午冬也

汪懷江次子五歲辛未二月出痘甚密且紅艷懷江恐其不吉請予四子邦治醫予謂治曰陰痘也氣實血熱可治也教用當歸稍赤為藥生地黃防風荊芥穗牛蒡子連翹桔梗甘草以解其毒連進三劑紅色盡褪猶未起發得透也再教用黃耆防風甘草赤芍藥牛蒡子桔梗青皮山查肉連翹調理十五日而靨

最怕頭焦烏焮焮

更愁皮嫩水溶溶

膚中寒粟工知避

皮上針頭治罔功

痘瘡初出有四善紅活明潤紫實堅厚尖圓布散磊落稀疎蓋痘  
子賴血以潤之血活則其色如丹砂如雞冠若毒凝血聚則遂成  
黑色今頭焦黑者乃榮血不能流行內外毒氣壅遏此證甚危其  
人必大小便秘喘急煩躁宜用柴胡飲子九十九當歸丸一百通

關散

一百十五

三乙承氣湯

三十

看輕重緊慢用之以解裏之急

得利後以紫草飲

六十三

加味四聖散

六十四

調無價散

七十三

以解表之毒仍用臙脂塗法

七十六

瘡變紅活以漸起發者吉若

更乾黑者凶莊氏云斑瘡倒靨而黑色者謂之鬼瘡○痘子賴氣

以束之脾胃強氣實則肌肉厚皮膚堅今痘皮嫩薄溶溶如淫濕

之狀乃脾胃氣虛其人必少食或自利宜用十全大補湯

三十八

去生油黃加防風白芷外用天水散九十四蜜水調拂瘡之以解  
表之濕熱瘡若起發成癰者吉漸變痒癢者凶聞人氏云瘡疽作  
痒深為可慮能調和愛護勿令有此乃為上策疽子初出不成顆  
粒但皮膚間濟濟簇簇如寒風粟子之狀或雖出形與針頭相似  
稠密無縫此皆惡候良工避之勿與施治也

痘瘡初出鮮咽喉

喉痺咽瘡毒火饒

祇恐後來封管齋

錯喉聲啞治徒勞

凡瘡疹未有咽不痛者心胃有熱上攻於咽乾澀而疼宜於發熱  
初出之時預解之甘桔湯七加牛旁子甚者東垣涼膈散一而四十七  
加牛旁令毒大解散不停晉於咽喉之間致生他變也若初時隱

忍不即解之以致毒晉咽喉發而為瘡腫脹潰爛水谷不入呼吸不能聲啞難言却欲呼醫悔無及矣所以甘桔湯七瘡出之後常宜飲之利咽喉寬胸膈清肺金解毒火也如無口舌生瘡齒浮齦腫者宜甘桔湯七合黃連解毒湯八十九加牛旁子水漿不入者射干鼠粘子湯六十加桔梗荊芥穗山豆根已上證候須能食臟腑亦熱方可用如上焦雖熱却覺小便清大便溏飲食不進者只用甘桔湯七不須加牛旁子蓋其性涼為瘡疹所宜服者能透肌出癰瘡是以瘡疹易出也大便利則不可服

英山縣馬四衢一子年五歲乙巳春出痘痘不起發開吾在孔家坊鋪鄭宅教書其兄馬鳴山自來迎請予往視之曰此順痘

也馬氏兄弟曰不起發何如曰毒甚者則頭面腫毒微者則面不腫非不起發也又呼咽痛四衢憂之予曰此痘家一痛發喉舌無瘡頸項間痘稀不足怪也乃以甘草湯加牛旁子水煎細細嚥之咽痛即止飲食無阻十三日而安四衢曰向吾小豚咽痛服藥輒效何神也予曰痘疹者火毒也火氣上熏咽喉豈不作痛故用桔梗之苦以開其結甘草之甘以瀉其火牛旁子之辛以解其毒是以效也若喉舌有瘡則壅塞潰爛頸項多痘則封鎖熏炙必為瘡水失聲之證今嗣無之故曰不足怪也馬氏兄弟曰吾邑有是神醫諸兒得免橫夭

若恐斑瘡入眼中

古方護目有神功



眼多眵淚睛赤

急瀉心肝免毒攻

痘瘡方出之時使不入目以神應膏

六十六

塗眼四周或只以鰾

脂取汁塗之或傳以水調黃蘗末或以白芥子末水調塗足心此皆養護之良法也若眼中流淚或多眵或目中紅赤此肝火大旺宜早解之洗肝明目散九十五加蟬蛻又有忌食之法如醃厚滋味牛鷄鵝鴨皆不可食往往食鷄鵝鴨卵未有不為目害者但令食淳淡之物或少入鹽亦無害如湫隘之家不可煮鷄鵝鴨卵其氣相襲亦能損目不可不知

痘瘡只出一般奇

夾疹夾斑都不宜

消疹化斑令毒解

若還不解勢傾危

痘疹只出一般者善凡痘初出其間碎密若疹子者夾  
也皮肉紅腫成片者夾斑也疹由心熱斑由胃熱宜急解其毒  
疹用黃連解毒湯八十九合消毒飲化斑用人參白虎湯二十四  
合消毒飲十六或只以升麻葛根湯之夾疹者加防風荆芥穗  
通麥門冬黃連夾斑者加石膏人參大青玄參淡竹葉如疹散斑  
鮮現出正痘疎密停勻者吉痘被斑疹夾雜不能起發者凶  
靳水縣羅良制之妻魯六姐與陳之南之妻姊妹也丙申冬出  
痘時年二十七遍身紅斑如蚊跡衆醫視之皆曰不治而去乃  
託陳之南脩書請予往予觀其神識精明語言清亮診其六脉  
調勻問其飲食如常大小便調不煩不渴但遍身紅斑稠密無

絳色且帶艷予曰此夾斑痘證也魯畏死乞救之言甚哀予以  
言解之曰此病非吾不能治也斑痘相雜故難識耳解去其斑  
則痘自見汝切勿憂亟作荆防敗毒散加玄參升麻作大劑只  
一服次早視之則斑跡不見痘粒可摸矣再進一服其痘起終  
喜無他疾調理半月而安

蘄水縣汪白石一小義女方二歲出痘遍身紅點大小相雜經  
有空處白石曰此女難治予曰此夾斑夾疹夾痘證也乃數日  
次男邦孝以升麻葛根湯加防風荆芥玄參連翹牛蒡子淡  
葉木通一服減十之三再服減十之七三服痘子盡落  
不甚密也白石曰先生神術有回天之力也

熱病相傳發疱疹

須臾周匝盡成漿

見而使沒為膚疹

相類斑疹折後殃

問人氏云傷寒熱邪在表裏未法作汗或當汗不汗熱鬱於肌膚故發疱疹色白或赤如火丹頭作紫白膿者輕根下紫色隱隱在肌肉者重甚者五內七竅皆有之其形亦如痘小兒肌肉嫩薄在表此證非正瘡痘也又云六腑屬陽有熱則易出是以作膚疹一出即遍滿肌皮之上如沸瘡細疱子見而使沒其所受氣淺故也五臟屬陰有熱則難出其為瘡痘在肌肉血脉之間必先發紅斑而後如豆故名瘡痘其所受氣深故也大抵暴熱而使出者必膚疹久熱而難出者必是正瘡豆膚疹非正瘡豆也愚按痘瘡初出

五臟不同肝水疱其色微青而小肺膿疱其色微白而大心為斑  
色赤而小脾為疹色赤黃而淺及五七日之後不問其初出何  
臟悉成血疱血疱成膿疱正如豆樣膿疱之後結痂死則愈此方  
是正瘡痘也或人疑之曰肺既為膿疱而血疱之後又成膿疱者  
何耶蓋膿疱之出於肺者言其初時淡淡如膿其色白而非黃俗  
稱白豆者是也若血疱之後所結膿疱則是其瘡已熟譬諸果之  
成實飽足充滿包裹黃膿其色黃而非白也

點點紅斑出復收

曾將形證細推求

若無變證無他苦

折過天瘡不用憂

人有恒言自少至老有不出痘者乃天赦日生不出也予初不信

天赦日生便不出痘者痘乃胎毒一名百歲瘡謂其自少至老不能免也或在痘疹大亂中曾發熱來但見一二三四粒而不覺也此痘之最輕者近見有出紅斑者數日盡收痘亦不出更無陷伏惡證癰疥餘毒自後痘瘡再不出者或是之類歟蓋胎受之毒在心為斑在脾為疹在肝為水痘在肺為膿痘惟腎無病故痘疹膿痘水痘俱同一類但受毒甚者四病悉具受毒微者平生只見一病矣

本邑官衙出痘先二衙一子一女出過惟一長子後發熱見紅斑予疑是夾斑證三四日後其斑盡收熱退身涼而痘不出矣又四衙小男女正出痘有公子發熱亦出紅斑與前證同後亦

無恙乃信平生有不出痘者或發斑或發疹或發水痘皆可  
過也必在正出痘時方論

熱甚從來出亦難

平和湯劑解煩寃

莫將辛熱輕催併

猛虎何當有翼添

瘡疔本因熱而出熱勢甚則其出愈難故斑點未見之時惟當用

平和藥如升麻葛根湯一參蘇飲三東垣鼠粘子湯一百七惺惺

散一百十四等鮮利之或有不問虛實便以辛熱之劑大發之施

之慮者猶庶幾焉若盛實之人熱毒弥甚榮衛閉塞裏毒甚者大

便不通小便如血是謂毒不放毒氣無所從出反攻臟腑表毒

甚者瘡凹而不起遂成倒陷或為潰爛或為難瘡當此之際不能

利至於斃者多矣是陽盛熱熾無陰氣以感之也用消毒飲十  
柴胡飲子九十九得毒氣解散榮衛流通瘡子將自起矣

痘子依稀略見形

渾身癢痒若難禁

皮膚拂拭宜疎解

莫作肌虛一類評

凡痘瘡初出之時使身痒爬搔不寧者此毒火晉於肌肉之間應  
出不出游散往來故作痒也與傷寒太陽證身痒汗不出者同論  
桂枝葛根湯五加荆芥穗牛旁子主之不可作肌肉虛痒也

英山縣鄭斗門丁酉年始得一子辛丑年春出痘將放標見形  
時便作痒爬搔不能禁亟請予往治之其弟七山迎謂曰吾兄  
只此一子今痘出作痒言凶如何予曰起發時作痒者逆也貴



膿時作痒者逆也。將膿時作痒者險也。險者可治逆者不可治。出現便痒經傳中原無是證待吾思之。斗門夫婦惟撞頭掙胸而哭家人惶亡。予謂七山曰吾得之矣。請令兄斗門同議。斗門明醫也。予謂斗門曰吾思仲景傷寒正理論云太陽經病身痒者此邪在表欲出不得出也。桂枝麻黃各半湯陽明經病皮中如虫行者此肌肉虛也。建中湯令嗣身痒正是疽欲出不得出與太陽證同非陽明肌肉虛證也。乃以各半湯方內去桂杏加升麻葛根牛旁子一服而痒止疽出甚密留予守治半月而安。斗門謝曰非先生識見高明安能達仲景之妙。

夾斑夾疹利清水

妄見妄言復牀被

煩渴唇裂眼珠紅

不遇明醫病不起

此險痘也夾斑夾疹眼紅唇裂者表熱也煩渴利清水妄見妄言  
循被摸牀者裏熱也其利清水者內有燥屎所飲之水自腸中滲  
泄而下也謔妄摸牀神識不清也表裏俱熱不與發表攻裏其病  
難痊雙解散<sub>四</sub>不去芒硝主之若加悶亂足冷腹脹氣喘決不可  
治

壬戌三月間吾第七子婦徐患痘大熱大渴眼紅唇裂自利清  
水妄見妄語循衣摸牀遍身紅斑俱如蚊跡皆逆證也諸子在  
之予與四男邦治議曰此毒在三焦表裏俱熱非大發大下之  
劑不可救也乃以通聖散全料大劑與之總一劑而前證悉去

痘亦出現十分稠密復用十全大補湯去桂加防風金銀花連翹桔梗調理而安其痘自下收起亦異事也

發熱過期痘未彰

紅斑隱七肉中藏

忽然大汗人昏倒

冒痘誰知是吉祥

凡發熱至五六日痘應出不出以燈照之只皮膚中隱隱有紅點其人色脉平和精神爽暢雖煩不燥雖渴不消雖腹痛而不苦雖便實而不鞭忽然眩冒大汗出者此名冒痘證也毒氣一齊從汗而出再無壅遏之患乃吉兆也

○出痘時辨生死訣

一痘出時心腹大痛不止口中出臭氣唇出紫黑色黯者決死勿治

一痘出色白皮薄而光根窠全無紅色或根下帶一點紅三五日後如菜豆樣此痘決不能成膿只成一泡清水抓破即死勿作好痘治之

一痘出色紅帶艷皮肉盡紅者必不能成膿痒癢而死勿治

一痘出瘡頂焦黑根窠枯燥者必不能起發四五日死勿治

一痘出全不起頂如湯潑及燈火炸者六七日後決痒癢而死勿治

一痘出都是紫黑血泡者即死勿治

一痘出不快乍見乍隱口鼻血出者即死勿治

一痘出就是清水皮薄脚太紅者五六日後痒癢而死勿治

一痘應出不出只見紅斑如蚊跡者即死勿治

一痘出都是空殼不成膿水者死勿治

一痘出便是黑斑如癍狀又肌肉有成塊黑者即死勿治

一痘未出胸背手足後有一塊紅腫處如癰者即死勿治

世醫心法卷之四

起發證治歌括

凡三十五首

五六日間起發時

俗師計日豈曾知

不分虛實論輕重

偏執方書只補脾

瘡痘之證熱三日出三日後方起發此常論也蓋先出者先起後出者後起痘疎毒輕氣稟厚者自易出易發易盛痘密毒重氣稟薄者自難出難發難盛未可拘定日數時師不知虛實補瀉之理但於起發之初便用補脾果內氣不足少食者用之尤當若內實便秘能食之人寧不黨邪為惡乎非徒無益而反害之

新水縣羅野松年十六時出痘其父月湖翁嘗聞吾治其姪婦

魯氏之驗請予視之予往先有一醫張姓者在因月湖只一子  
虛張誑言以恐嚇之曰凡出痘者春夏為順秋冬為逆今冬出  
痘犯時逆也痘瘡起發頭面要腫今被寒氣鬱遏毒不得出故  
頭面不腫犯證逆也奈何予曰不然春夏為順秋冬為逆非以  
時言以痘證言也蓋春夏者發生長養之令也秋冬者收斂閉  
藏之令也痘本陽毒自出現而起發自起發而成膿如苗而秀  
秀而實故曰春夏為順如應出不出應發不發謂之陷伏故曰  
秋冬為逆頭面不腫者順痘也頭面浮腫者險痘也頭面預腫  
者逆痘也今痘本磊落尖圓堅突其毒輕微故起發而頭面不  
腫若頂平根闊肌肉鮮紅此為毒甚不待起發而頭面先腫矣

張曰起於太遲由虛寒始溫補之藥而與服之予曰痘瘡無病  
不須服藥吾觀此痘紅潤鮮明長氣矣也大小便調裏氣安也  
無熱無渴無他病也於此補之謂之失上先生且止吾計十數  
日必收靨而安矣月朔深信予言果如期而安並未進藥

大抵瘡標只要稀

毒輕瘡少不須醫

若逢稠密毒邪甚

解毒和中早燭機

凡痘瘡疎則無毒密則有毒痘疎毒少者邪不勝正其氣和其勢  
順不須服藥痘疎密佈散邪正相持其氣病其勢險此宜抑邪扶  
正使邪氣亟奪不為正氣之賊痘稠密無縫正不勝邪其氣乘其  
勢逆善治者什可救其二三不善治者束手待斃而已故順者不



必治逆者不可治險者貴治此以下專言險逆者之證治也

幾多先密後疎疎

更有先疎後密稠

不是良工曾見慣

也將惟變問師巫

凡看痘瘡有先密後疎者此夾斑夾疹也初出看之一片紅點斑疹相雜難以分辨至起發時斑疹盡散惟痘獨在故先似密而後實疎也有先疎後密者此一順一逆也痘科云輕者作三四次出大小不一等故先似疎而後漸密此順痘也吉若初出看時只面上胸前有三五處顆粒模糊根脚腫硬待至起發則一齊湧出故先雖疎而後尤密此逆痘也凶

先後大小盡出齊

以漸起發適如期

尖圓紅活都光壯

表裏無邪獨所歸

痘子輕者作三四次出大小不一等其起發亦先後循次大小分明不相連串顆粒尖圓根窠紅活光壯肥澤此表無病飲食如常小便清大便潤此裏無病表裏無病大吉之兆不須服藥

起發如期貴適中

太遲大驟類成凶

誰知驟發不壞脂

發若遲時毒復壅

瘡子起發只以出勻為期不可拘定日數瘡出以漸其發亦以漸謂之適中若已一齊湧出便皮肉虛腫一齊掀發者此表氣虛毒氣奔潰而出表虛不能收斂必生痒癢或成潰爛急宜救表十宣散

三十七調無價散

七十三

活血散

十四

合消毒飲

十六

相間服

之若山已盡當起不起或起不透此裏氣虛毒氣潛伏壅遏而不  
出必增煩躁腹滿喘促或後為癰毒急宜救裏十全大補湯三十  
合勻氣散十三或參苓白朮散二十三調無價散七十三服之

痘子而今出已勻

可知形狀重和輕

莫將湯液求奇中

治不乖方藻鑑明

瘡痘之出有輕有重觀其形狀即可知之如一發便出盡者必重  
也瘡夾疹者半輕半重也出稀者輕裏外肥紅者輕外黑裏赤微  
重也外白裏黑者至重也瘡端裏黑點如針孔者勢劇也青乾紫  
陷昏聒汗出煩躁熱渴腹脹喘喘大小便不通者困也善用藥者  
能使輕者易安重者不致大困斯可謂之十全矣

變輕變重轉移間

莫道人為不勝天

堪笑愚夫多不曉

空談氣數益前愆

古人云輕變重重變輕輕者指出稀者裏外肥紅者人見其輕運  
生怠忽之心不避風寒不節飲食不慎禁戒不擇醫巫以致感風  
寒則生外熱傷飲食則生內熱熱氣蒸蒸或翻出瘡疽稠密者或  
痘後目盲發癰者或腹脹或煩躁或吐利犯禁戒則為癰瘡為潰  
爛醫之誤則補所不當補瀉所不當瀉巫之誤則呪水洒之以傷  
其表令之飲水以傷其裏往往變為重疾設有不幸歸之氣數抑  
何愚哉重者指出密者外黑裏赤者外白裏黑者人知其重能存  
憂懼之心適其寒溫慎其飲食禁戒必守醫巫必擇自然易發易

醫故能變為輕也如此者非人能勝天乎

聞人氏云稟氣實者夏酷暑而不甚畏熱冬嚴寒而不甚畏冷稟氣怯者易寒易熱天寒陰雨則感寒溫而濡瀉天氣稍炎則伏熱而中惕是故先知節候者能辨陰陽寒暑之盛衰經云陽盛人耐冬不耐夏陰盛人耐夏不耐冬此亦知人稟受之不同且自立夏氣變純陽萬物盛大治藥者用熱遠熱如桂枝麻黃之輩必加知母升麻石膏等服之立冬氣合純陰治藥者用寒遠寒如用諸涼劑中病即止不必盡劑又如冬溫煖則虛者安而實者病夏寒涼則實者安而虛者病冬溫煖夏寒涼非節之氣來暴而去速在人拊攝之如何耳

錢氏云凡瘡疹當乳母慎口不可令飢及受風冷聞人氏云凡人  
一日不食則飢觸風冷則病况小兒當瘡豆之際正欲賴穀以  
助其內避風寒以護其外苟穀氣虧少風寒侵襲則為患可勝言  
哉乳下嬰兒宜常令其母飲食充足居處避風能食童子專令老  
成耐事人時時啗顧雖然事亦貴得其平或者以失飢冒風寒為  
戒遂致過飽極溫非徒無益而又害之瘡豆之家宜備知之

聞人氏云瘡痘之出蓋熱邪內外蒸發其有當熱作之時忽遇天  
氣大寒熱氣方運出而暴寒折之外寒為內熱拒而不得入內熱  
為外寒閉而不得出毒氣壅於肌皮之間如癰疹如瘰癧或青或  
紫俚俗云鬼捻青者是也壯年出者皮膚厚肉理密多有此證凡

是却寒溫肌透表之劑皆可選而用之也

凡冬春之間常有暴寒忽為寒氣所侵其痘色變或青或灰白頑

不疑凍不能起發者桂枝葛根湯五麻黃湯六十七去杏仁石膏

合服待瘡子畧起再以十宣散三十七發表托裏也外用胡荽酒

七十四

凡春夏久雨為寒濕之氣所害不能起發者五苓散二十八加蒼

朮防風主之多服更佳

聞人氏云嬰兒童子畢竟純陽當瘡痘未出之始或遇天氣暄熱

當與疎利庶幾起發之日其勢必輕疎利之說非是轉下疎者疏

散熱氣利者滑利九竅使無壅遏之患而已疎利用輕清之劑使

轉下者非猛浪不可疎利轉下相去遠甚不可不辨

凡夏秋之間常有酷熱忽為熱氣所蒸其痘色變或大赤掀發或

糜嫩不堅實先以五苓散二十八合黃連解毒湯八十九或升麻

葛根湯一合人參白虎湯二十四以解其熱次以調元湯十八加

麥門冬五味子以補其氣外用天水散九十四合百花膏九十八

遍塗之

凡傷冷水沙糖西瓜紅柿菱芡柑橘水梨一切生冷之物腹痛者

丁香脾積丸三十三原物湯下有瀉者錢氏異攻散四十四加丁

香薷子主之如傷油膩肥甘糞粽一切熱物腹痛者備急丸九原

湯下此上二證得利後並用四君子湯二十加陳皮木香或錢



氏異攻散調之

四十四

凡食過飽稍寬不快者木香大安丸主之九十一損穀則愈不可妄下錢氏云惟用溫涼藥治之不可妄下及妄攻發又云瘡疹始出未有他證不可下也此言常候戒人猛浪若有前外感內傷之證安可徇常

聞人氏云木得桂則枯雌黃遇胡粉則黑柑得脯則壞物之相畏有如此者痘瘡之異穢惡雜氣其理亦是也仲景云瘡痘欲出之間宜燒蒼朮猪甲二物仍令人謹伺門戶勿使生人輒入亦忌勞力人狐臭人若行房觸犯最為大害婦人經水適來尤當迴避床帳左右前後宜掛胡荽以酒噴之或燒乳香尤妙益茱萸得香

則運行甚速或可使瘡毒易出苟防備一不如法則禍患踵至欲  
出者使之不出已出者班爛成片甚者瘡黑陷伏加以爛鼻痛如  
刀剗悶亂而死其中縱得安者亦令癰痕經年黑色或反成疥癬  
不可不戒

凡疽瘡起發即當禁戒房事室中常燒辟穢膏九十三令煙不絕

更多燒硬石以水澆之若有觸犯瘡或色變或作痒者以茵陳蒿  
法解之八十一

徽州鋪吳印墩抱養一子出痘胡三溪善醫邀予同往視之磊  
落紅活順痘也其兒脾胃素弱起發畧遲時日未足貴順其常  
也復請醫萬世喬見不起發謂其氣虛妄投陳氏木香散一劑

痘轉平不起又按陳氏異攻散一劑其家荒忙再請予同三溪視之曰噫死矣不可救也此輕變重者醫藥之誤

漸水縣一屠家子出痘正貫膿時請一巫者誦呪喫水斛厭後忽加癢痒痘形溶塌其色青白而氣腥臭予在羅月湖家請往視之曰此犯房室穢氣也急令買膠棗一斤燒煙熏之瘡轉紅活而痒亦止問其故原請老道其父他往而子代之有房事

痘瘡起發辨形色

人身之中惟氣血

虛實寒熱此中求

仔細消詳行補瀉

痘瘡之毒必氣以响之血以濡之而後可得成熟也故於起發之時尤壯者氣有餘也肥澤者血有餘也氣血有餘表裏俱和

服藥如形長大而色枯燥者此氣至而血不榮也宜四物湯

加人參麥門冬色紅潤而形平陷者此血至而氣不充也宜四君

子湯二十加黃耆官桂川芎形平陷色枯萎者此氣血俱不足也

宜十全大補湯三十八合無價散七十三主之色灰白者氣虛也

四君子湯二十加黃耆當歸官桂色紅紫者血熱也四物湯十九

加紅花地骨皮牡丹皮

起發遲遲頂又平 色多灰白氣虛論

紫紅血熱須清解 枯萎還從不足云

凡痘瘡起發遲滯頂平色灰白者氣虛也其人平日食少脾胃不

足人參白朮散去葛根加桂二十三十全大補湯三十八去地黃

加木香主之如曾有吐瀉以致氣弱者四君子湯二十合益黃散

四十五主之瀉未止者四君子湯仁吞肉豆蔻丸四十三甚者陳

氏木香散主之二十五若紅紫色掀腫者血熱也四物湯十九合

消毒飲十六加紅花外用臙脂塗法解之七十六乾枯者血虛也

四物湯十九加人參麥門冬地骨皮外用臙脂塗法七十六水楊

湯浴法七十五

痘瘡起發視根窠 紅活充肥血氣和

若是乾枯青紫黯 急宜養血莫蹉跎

起發之時根窠紅活形色潤澤者此血隨氣行灌注諸瘡自然紅  
活肥澤不須服藥如雖起發乾枯無水謂之不肥澤帶青些紫黯色

之不紅活其變為黑暗乃血虛也四物湯

紫草紅花間進調無價散七十三或吞服奪命丹十七外用臘肚

塗法七十六

漸長尖圓厚且堅

其形光壯色紅鮮

無充血旺無虧欠

平陷浮翳氣不完

起發之時不徐不疾以漸長大尖圓磊落光壯堅實根脚紅活此

氣充足載血而行透徹諸瘡自然尖圓光壯不須服藥如雖紅活

頂平中陷不成尖圓色嫩皮薄不能堅厚其變為疔瘡為晉伏壅

遏乃氣虛也四君子湯二十合勻氣散十三加黃耆官桂或人參

白朮散二十三加黃耆官桂防風或調元湯十八加官桂防風白

正荆芥穗或十全大補湯三十八去地黃加防風白芷或十宣散

三十七皆可選用若瘡皮薄色紅淫淫而溫者此氣不勝血宜補

氣涼血四君子湯二十四物湯十九去川芎地黃加黃耆官桂防

風荆芥穗如浮囊起殼中無水者此氣不依血血不附氣其變

為疔瘡為癰腫十全大補湯三十八去白朮加大力子連喬防風

燒人尿

本邑胡半峯長子年五歲出痘起發時頂平而陷請予視之予

曰順痘也半峯問其諸予曰凡出痘者以氣血和平為主尖圓

堅實者氣也紅活明潤者血也紅活平陷者血至而氣不足也

圓實而色淡者氣至而血不足也平塌灰白者氣血俱不足也

掀腫紅綻氣血俱有熱也令即痘出既密時日未到氣血未盡以漸起發得其常也故曰順痘不須服藥半峯喜留于守安

四圍沸起陷居中

胃氣虧虛發未通

外白中心成黑點

是名鬼痘急宜攻

痘瘡起發尖圓為貴如四圍起中心平陷者此有二種有血化成水四圍高起中心畧低凹者俗呼為茱萸痘此中氣不足發未透徹故耳能食者至養漿之時盡充滿而起矣不能食者宜扶中氣人參白朮散主之

二十三

有四圍沸起中心落陷無水猶是死肉

其形如錢宜急攻之若待漸變黑點不可為矣此名鬼痘四君子

湯二十

合九味順氣散

一百二

加燒人屎或紫草飲

六十三

或紫



草飲子 一百十七 連進服之 外更用臘脂塗法 七十六

中心凸起四沿平 外黑裏紅一例論

此是表邪多壅遏 疎邪發表令調勻

痘瘡起發有中心凸起四圍乾平無水者或裏紅外黑者此由平日感受風寒皮膚堅木以致痘毒鬱而不散宜桂枝葛根湯五十宜散 三十七 以散表邪外用水楊湯浴之 七十五

發時磊落最堪誇 三五粘連便不佳

若是糊塗成一塊 切妨癢痒又來加

痘瘡起發貴於顆粒分明如痘彼此相串皮腫肉浮或於本痘四傍旋出小痘攢聚胖長漸成一塊此候最重宜以快班湯 十五

消毒飲

十六加燒人屎服之更宜禁忌以防觸犯

自此常宜大便堅

如常調潤更清安

莫將湯劑輕投試

偏熱偏寒交易生

痘瘡自起發之後大便常宜堅實緣小兒脆弱身熱而大便不通者則易實大便自利者則易虛雖四五日不大便無憂也不能食者聽其自便賴舊穀氣為養至五日後則膿成毒化解利之劑可用也能食者三日後不通不腹滿不裏急後重則亦不必攻之可用胆導法五十一導之不通以當歸丸一百微令潤過使氣道升降無壅遏之患不可妄下

其人能食素脾強

大便雖溇也不防

切莫湯丸將峻補

反增裏熱作餘殃

凡能食者大便喜潤賴新穀以為養而舊滯之不留自然臟腑流利血氣和平不可妄用溫補反增裏熱之誼

忽然暴泄勢堪驚

毒入大腸亦有因

勿待內虛成倒陷

上工治病貴能迎

胃主腐熟水穀大腸主傳送已化之物故食多少可以知人穀氣之虛實大便滑澀可以知人臟腑之冷熱大便如常是亦瘳疹之一順也如起發之時忽然泄瀉此宜急止之恐腸胃虛真氣脫也須辨冷熱虛實如瀉而足手冷面色青白瘡不紅綻者冷證也聖中湯丸三十四

豆蔻丸

四十三

益黃散

四十五

甚則陳氏木香散

十五 異攻散 二十六 皆可用也 瀉下之物黃又酸臭 汚手足心

熱面赤瘡紅綻 掀發者 執證也 黃芩湯 四十一 五苓散 二十八 主

之脾胃怯弱精神慢而不食者為虛當溫養之 益黃散 四十五 身

熱中滿渴而不食者為實當清利之 五苓散 二十八 其人或臃氣

自脫或因服寒藥致令瘡毒陷入大腸瀉下如豆汁或便膿血或

便黑汁口內臭氣唇焦目閉加腹脹者必死之證也

起發時常驗手足 發如不透多翻覆

此宜脾胃弱中求 尚怕差時作癰毒

痘瘡起發欲透惟四肢稍遠難得均齊必脾胃素強能食多者不

須慮此若脾胃素弱又食少者手足上瘡常發不透益脾主四肢

脾虛則不能行其津液既灌四肢所以發遲以補脾為主快班越

婢湯一百十九如不令透其後手足必作難毒又手足疽瘡多發

水泡者此肝乘脾也先瀉肝羌活湯十加柴胡後補脾人參白朮

散二十三去葛根加桂如見而復隱起而復塌色紫黑者此腎乘

脾不可治

蘄水縣滑石鋪汪元士沙溪之子白石之弟也一子癸丑耳出

痘至成膿時頭面腹背皆飽滿惟手足自肘膝至掌指猶未起

發予驚曰脾主四肢此子脾胃何甚弱也祖母華氏曰吾孫生

下三日母即死是吾嚼粥飯養大也予用建中湯加黃耆防風

只一服而疹盡起腫作膿矣時沙溪夫婦信奉魯湖黑神於家

此子寄名於神未出痘先神降童云壇保吾老黑承管只緊痘  
子出得少至是痘出十分稠密予等朝夕笑玩以計逐之使去  
後有詛言沙溪夫婦終不自安後竟無害

頭面斑瘡總屬陽

升生浮長類相當

微微漸腫瘡紅潤

驟腫瘡平可預防

頭面屬陽瘡疹亦屬陽以類相從故出現起發收靨自頭而始升  
生浮長陽之性也痘瘡起發頭面以漸腫大升生浮長之性不須  
憂恐只要瘡子落紅活光壯肥澤待至成膿之後毒化結痂而  
腫亦漸消矣如瘡粘連通串模糊成餅者又要紅活潤澤以快班  
湯十五消毒飲十六合而飲之或消毒化班湯八十四以解其毒

更以甘桔湯七加牛旁子相間與之以利咽喉寬胸膈令飲食無阻也又以神應膏護目六十六若灰白青黃乾燥瘡面膚起者皆

死證也其頭面腫有不閉目者毒淺而輕有閉目者毒深而重亦待瘡熟腫消而目自開若瘡未成腫消目開者此陷也勿治詳見後頭面預腫條○凡將起發頭面預腫者此時行疫癘之氣名大頭瘟其毒最酷急用菴活救苦湯解之八十三

起發之初未試漿

口唇瘡色早焦黃

如斯惡候無人識

待得收時作禍殃

口唇者脾之外候人以脾胃為本不宜受傷如初發熱唇焦裂者此毒發於脾便宜解之瀉黃散一百九不知早治痘子之出叢集

水唇及至起發其瘡先熟內帶黃漿此惡候也待諸痘成漿此毒已屬唇皮揭脫漸變嘔食噎水昏睡而死矣

起發瘡頭帶白漿

不分何處便非祥

謾誇國手移天力

空自叨叨說驗方

痘瘡由紅班而水疱水疱而膿疱膿疱而結痂有自然之序若初起發瘡頭便戴白漿者不分何處並非佳兆不特口唇然也

出形未定先涵水

起發之初便戴漿

膿水未成收靨急

不堪有此命終亡

痘瘡初出一點血血化為水水化為膿膿成而毒解此自然之序也若初出之時半是水疱或線起發便有帶漿者或未成膿即乾



收者火性躁急失其自然之序不應至而至所謂早發還先萎也此毒火所為倏忽之間瞬息氣盡而死矣

蘄水縣陸沉港李望松在監時其子方一歲家中出痘其內請吾往視之起發時都是水痘予曰痘乃胎毒五臟各其一證肝為水疱肺為膿疱心為斑脾為疹腎為黑陷此乃肝臟之證喜皮厚肉堅而色蒼臘若皮薄色嬌不可治也乃以四君子湯加黃耆防風牛旁子母子同服十三日收靨而安

本邑大尹梁厚村公子出痘起發時多成水泡請予治之予告曰此險痘也治太晚矣公曰有數但盡爾術予不敢違過二日癢痒大作而不能救

英山縣鄭兩川一子九歲乙巳春出痘予正在彼處教書此子亦在門下起發時額上兩頰皆成水泡予曰逆痘不可治也或問其故予曰痘瘡之證自有次序初出一點血血化為水水化為膿膿成而毒解矣如苗而秀秀而實今方苗而秀吾恐早發還先萎也故云不治七日後更論未及七日大瘳而死

最愛尖圓成個個

生憎堅硬作堆堆

非癰非核非癰腫

恠事令人嘆幾迴

凡痘瘡起發之時磊落分布者乃表裏疏通上下發泄而毒氣解散順痘也若顆粒叢聚根窠堅硬者乃氣血凝滯肌肉敗壞而毒氣鬱積逆痘也癰者丹瘤也似癰之紅而不痛核者結核也似核

之堅而不動癰者癰疽也似癰之腫而不潰此榮血不流之病什無一生不出四五日必瘞拜悶亂而死

起發渾如湯火傷

粘連成泡水洋洋

皮膚潰爛真元散

鶴唳猿啼到北邙

凡痘瘡初出細密模糊不成顆粒至於起發之時盡成大泡清水虛洋此衛氣不斂之病逆痘也不出二三日皮脫肉乾悶亂而死此上二證乃惡毒之氣須於出現起發之時候之若到成膿則無之矣

起發一齊如鋤面

皮膚浮腫形容變

其人能食乃為佳

食減氣虛作凶斷

痘疹最要以前起於磊落紅活如一簇都起無復顆粒模糊不紅活帶灰白色面上浮腫如鋤餅形此惡候也其人能食大小便如常無他誤候者吉若食頓減或原不能食者凶

一男子年二十餘出痘甚密起發時掀腫異常面如鋤餅形狀可畏人皆危之予所喜者飲食如常大小便調安靜而睡一醫欲投木香散予曰痘瘡無疾不須服藥色白者痘出太多氣血未能周遍也數日之後自然成熟收靨矣果二十餘日而安一小兒出痘甚密不甚起發面如鋤餅食少而渴一醫欲投木香散予曰此兒無吐瀉裏虛之證不可用也乃以保元湯加當歸赤芍藥防風桔梗牛旁子調理而安

一婦人二十四五出痘甚密起發掀腫面如錫餅身無完膚七八日後眉心唇上有成白漿者或謂正當作膿之時予曰未也面瘡帶赤猶是血色未曾化水遽爾成膿此惡候也後必潰爛而死果然

熱有大小治不同

古人取譬似蒸籠

不知邪氣分深淺

妄治何能得適中

錢氏云有大熱則當利小便小熱者當解毒大熱謂身熱脉實大便秘津液燥而渴懼其變生他疾故利小便入正散四十六通

關散

一百十五

大便潤者連翹湯

八十八

導赤散

三十五

加人參

麥門冬使心火有所導引則雖不用冷藥熱亦自減去矣瘡痘不

至熱過不為冷誤甚為良法小熱解毒之說謂小熱不解大熱必生利其小便則慮損氣故但可解毒而已其枯湯七加牛旁子荆芥穗

發時痛痒是何因

痛實痒虛理自明

大凡痛者終多吉

諸痒曾無一吉云

經云痒為虛痛為實內快外痛為外實內虛外快內痛為內實外虛又曰諸寒為痛痘瘡起發痛者有二一則毒邪欲出氣血隨之肌肉稠急而痛九味順氣散一百二合活血散十四主之一則皮膚厚肉理密為外寒相搏而痛桂枝葛根湯主之五身痒亦有二證一則氣血不足其痒為虛十全大補湯主之三十八一則不能

食淡以致發痒癰蛇膏主之一百五  
凡痘瘡作痒深為可慮

一小兒痘起發時作痒予曰諸痒為虛此非虛也乃火邪也人以湯沃火炙而痒者可以例推乃用升麻葛根湯加防風荆芥紫背浮萍只一服而痒止

一小兒痘起發時痘子作痛呻吟予曰痘脹作痛者佳膿成痛自止矣今痛太甚者血熱也升麻湯加紅花連翹牛旁子忍冬花服之即止

腹脹之候最不佳

痘瘡有此可傷嗟

氣和自爾無煩滿

毒氣雍留勢漸加

痘瘡起發而腹脹者有二證一則陰陽不和蓋瘡痘正發熱毒力

盛必生煩渴宜以葛根解毒湯 二十一 人參麥門冬散 二十二 人

參白朮散 二十三 之類與之不知此理或飲冷過多或誤投涼劑

熱為冷所激欲出而不能冷熱相搏毒不發越故令腹脹且傷於

冷者必不能食大小便利腹中虛鳴此傷於陰陽氣不和也急當

以溫中藥疎逐冷氣冷氣散則腹脹自消益黃散 四十五 六耳草

加姜制厚朴甚者氣喘發厥瘡白而無血色多致不收陳氏木香

散 二十五 聖方也昧者反用峻下之藥致令重困而死一則毒氣

隔伏入裏必有他證相雜或煩躁大渴或大小便秘或啼哭不止

但用溫平解毒快氣之劑紫草飲子主之一百十七 若腹脹而目

閉口中如爛肉臭者其證為大惡



出盡方將起發期

箇中乾黑令生疑

此為黑陷休輕視

漸變加多不可為

凡痘瘡以起發光壯紅活肥澤為順若將起發之時中間有乾黑不起者須急治之不可因循以致傳變加多不可救藥矣

本邑大尹朱雲閣公子出痘致起發時項後手背有二痘變黑者摸之則痛此痘疔也急取臙脂數貼水浸取汁塗之盡此汁而止次日視之已轉紅瑩起發亦不再延也時庚申三月

本邑汪我溪一子庚申四月出痘發時有變黑者予以雲閣公子之事語之教取臙脂汁塗其內周氏不聽予謂我溪曰不用吾言若待蔓延不可為也後果一身盡成黑痘而塌復出一層

又塌如此三番而卒我溪至今悔之

又王思泉之子出痘至起發時漸漸變黑急請予治已延蔓一身矣其兄少峯議曰吾聞痘瘡變黑歸腎者不治公謂何如予曰黑痘有二證一則乾枯變黑者此名倒陷乃邪火太熾真水已涸故曰歸腎不治一則痘色變黑未至乾塌此疫毒之氣所謂火發而瞶昧者也今姪之痘正是此類吾能治之乃用當歸稍生地黄赤芍藥酒紅花以涼血黃耆人參生甘草以瀉火補元氣酒炒苓連牛旁子連翹升麻以解毒防風荆芥以疎表每劑入燒人尿一錢連進十三劑痘色轉紅膿成而收靨矣少峯曰吾未見能治黑痘者人奪天巧信哉

李良臣乃萬賓蘭之妹夫也一子出痘至起發時變黑而乾亟請予治乃問其大小便何如乳母答曰自初發熱到今未大便曰此熱盛於內宜急解之因制一方用麻黃酒密拌炒焦黑紅花子紫草人中黃連翹酒蒸大黃燒人尿水煎服外用膽導法取下燥屎痘轉紅活後以四物湯去川芎加紫草木通枳殼生甘草調理收靨而安

陷伏惡候古今傳

變黑誰知有數般

痘疹不宜輕見此

徒誇五色大還丹

痘疹自內不出謂之伏自外復入謂之陷瘡痘黑陷當分四證○一則感風寒肌竅閉塞血凝而不行必身痛四肢微厥斑點不長

或變黑色或變青紫癰疹此為倒伏也宜溫肌發散桂枝葛根湯

五加麻黃蟬蛻或以紫草飲六十三吞奪命丹十七外用胡荽酒

噴之七十四水楊湯浴法七十五須令溫散寒邪然後熱氣復行

則其斑自長矣○二則毒氣太盛內外蒸燄毒復入裏必心煩狂

躁氣喘妄言如見鬼神大小便秘渴而腹脹此為倒陷伏也病邪

輕者宜利小便解毒連翹湯八十八通關散一百十五甚者以百

祥丸五十二牛李膏五十三以瀉膀胱之毒令陽氣復還脾胃溫

煖服之身溫欲飲水者可治是脾強勝腎陷者當復出矣若加以

寒戰身冷汗出耳尻反熱死然百祥丸太峻今以宣風散九十二

三乙承氣湯三十裏變百祥丸一百二十六代之外以水楊湯浴

直參止瀉公案 四卷 七

之七十五

○三則內虛而不能使陽氣以副榮衛者出而復沒斑

點白色或黑色其人必不能乳食大便自利或嘔或厥此胃虛而

不出謂之陷伏也宜用溫中之劑令其胃煖榮衛復行則當自出

矣宜調元湯加丁香官桂

十八

理中湯

三十四

加黃耆官桂甚則

陳氏木香散

二十五

異攻散

二十六

皆可用也外用胡荽酒噴之

七十四

或因誤下之後毒氣入裏而黑陷者則宜溫養而表出之

先以理中湯

三十四

溫養其裏後以桂枝葛根湯

五

疎解於表也

不出再加麻黃○四則被房室等雜穢惡氣衝觸而黑陷者則宜

薑餅之內服紫草飲子

一百十七

外用胡荽酒噴之

七十四

茵陳

薑法八十一

痘疔治法古多方

只要疎通解散

不使毒邪常陷伏

得行權處勿泥常

痘疹之毒自內而出冲突氣血發散腠理初出一點血乃身中氣  
血被毒驅逐現於皮膚之外其成形者氣也成色者血也毒火太  
甚煎熬氣血先至之氣則削矣血則枯矣氣削血枯腠理反閉毒  
不得出未免復入於裏遂成陷伏時人以黑瘡子為痘疔又曰鬼  
痘者深惡而畏之詞也此乃毒氣鬱遏非外感風寒內虛吐利雖  
氣觸犯者可比古人立方如大小便秘腹脹煩躁者則下之但大  
小便秘者則利小便解毒自利者以瀉膿血為順水穀為逆却不  
立方以毒雖入腹皆瀉出也攻之則無所攻補之則不可補昏悶

不醒者用龍腦膏一百五以去心中之邪枯黑不起者或內用無

價散七十三以解在裏之邪或外用水楊湯七十五四聖散七十

臘脂塗法七十六以解其表使邪氣得出皆良法也為工者合下

即下合利即利合發即發或解其裏或解其表應變出奇勿泥常  
法可也

蘄水縣汪白石乃沙溪之長子也庚子冬出痘方八歲請予往  
調治起發特有黑枯者予曰此痘疔也乃用四聖散臘脂汁調  
銀簪撥開瘡頭塗之即轉紅活亦不延蔓數日後應收不收問  
其大便不更衣七日也知其腸內燥結其家信佛事斷葷禁殺  
予強取豬肉爛煮和汁與食果腸潤便通而痘收靨矣

英山縣鄭卽一子三歲出痘請予往治起發時有脾腰脅間有  
數箇乾黑者亟以煎脂計調四聖散銀簪擦開痘頂入藥於中  
須臾起發紅活亦不延蔓時鄭斗門卽之從堂叔父也善醫同  
在調理因問予曰痘瘡變黑猶可治者有不可治者何也予曰  
痘瘡變黑其證為逆治之貴早不可緩也緩則延蔓傳變倏出  
倏沒遙邈而死矣治此證者亦有數法如四圍有水中心黑陷  
者只用臙脂塗法須頻頻作之直待轉紅起胖而止如痘子乾  
黑根脚堅硬者可用四聖散即今之治法也若皮肉不活根脚  
不腫者決死勿治若起發有水頂平而黑者宜內服涼血解毒  
藥加燒人屎外用臙脂塗法若大便不通者此裏熱熏蒸得之



宜內服四物三黃湯外用胆導法得利後而變紅活也若泄瀉者此虛寒也宜用保元湯加木香桂如盡乾黑煩燥悶亂者決死不可治也斗門拱手稱謝曰名下無虛士敢不拜教

幾經發疱多凶惡

原有瘡癰休認錯

痘集成叢肌肉敗

色多青紫宜敷藥

痘瘡發泡亦與黑陷相類外出入雖不同而毒氣壅鬱則一也或發水泡或發血泡或赤或紫或黑但見此證十無一生然亦有可能是而非者不可不辨其人身上有灌瘡或破傷瘡未痊或雖痊癰痕尚嫩一旦痘出則瘡癰四圍痘必叢集者物從其類之理也發生之後必然作疱者腐敗皮肉氣色先變宜與完膚有別也

治此者先以針刺破吮去惡血後以臘脂塗法 七十六 合百枚

九十八 傳之此瘡又易作痒起發之後常宜以茵陳薰法 八十一

薰之勿令抓傷若被爬搔則反覆灌爛淹延不愈變為疔蝕壞瘡以致不治者多矣

瘡多平陷發未透

時日已過增煩躁

啼哭呻吟不忍聞

何堪謔妄又狂叫

瘡起發欲透磊落尖圓光壯肥澤者上也根脚橫開皮起水漲者次也頂皮不起根脚不開猶是先出之形不見新生之水此謂起發不透審察證候如氣本實者必曾感風寒以桂枝葛根湯五合奪命丹 十七 發之如氣本虛必不能食或吐利以人參白朮散

二十三合奪命丹十七以補中氣而發表邪如散成陷伏者依前

四法治之若時日已多發猶不透或煩躁不安者此毒熱在裏心

惡熱以導赤散三十五送服牛黃清心丸三十六以解散熱毒導

引心火也或啼哭者凡人五臟平和則神宇安靜今五臟蘊毒內

外蒸鬱神不安舍以導赤散三十五送服安神丸四十七通開散

一百十五使鬱熱解散神宇清快也若譫言妄有見聞時狂叫者

此五臟熱毒蘊積陽氣獨盛無陰氣以和之退火回生丹一百五

大便必不利以當歸丸一百微利之再行膽導法五十一使無置

滯易快利也甚則防風通聖散主之四若昏不知人腹脹喘呼死

證也

發熱推來幾日經

時時煩躁未曾停

如狂尿黑知瘀血

不爾還為燥尿論

凡痘疹出不快發不透醫不齊有煩燥者此有二證如面黃大便  
色黑煩躁喘渴或如狂或喜忘腹脹或痛此為有瘀血在裏也宜  
當歸丸一百或四順清涼飲二十七並加桃仁泥紅花甚者桃仁

承氣湯主之一百二十如便血下黑糞而又睡不醒心為血之主

睡不醒則心之神昏矣玄參地黃湯六十五加木通麥門冬若無

面黃尿黑如狂喜忘之證只大便不通煩躁腹脹者此有燥屎也

此却真狂謔妄以三黃丸八四順清涼飲三十七三乙承氣湯

當歸丸一百膽導法五十一看病輕重擇而用之如偏執不可下

之說以致陷伏而死者醫之咎也

口中氣出臭冲人

飲食俱難又失聲

寒戰咬牙多悶亂

體寒嘔瀉總歸冥

凡起發之時痘瘡稠密又見陷伏煩躁狂叫之證或口中出臭氣者此毒火薰煎肺爛胃敗之氣也或不飲食失聲者此咽喉腫爛也寒戰咬牙者邪傳腎也或悶亂者神已喪也或身寒者陽脫也或嘔或瀉者腸胃俱敗也經云五臟氣絕於內者利不止六腑氣絕於外者手足厥凡見已上諸證者皆不可治

痘瘡起發腫為奇

頭面預腫又不宜

五臟精華從此散

真人獨曉彩鸞歸

凡痘癰起發時頭面不腫者毒微上吉之兆也痘以漸長頭面以漸腫待至膿成收靨而後腫漸消者常候也如痘未起發頭面先腫皮光色艷如瓠瓜之狀者此惡毒之氣上浸清虛之府與大頭瘟病同况五臟精華皆聚於頭面而泥九宮者又元辰真人出入之處也惡毒上侵則五精俱喪元辰亦亡喪精亡神其後必痒癢而死矣初腫之時急以羌活救苦湯八十三多服有効

○痘瘡起發辨生死訣

一起發時根窠太紅頭面皮肉紅腫如瓠瓜之狀者七日後死勿治

一起發時遍身痘頂皆黑其中有眼如針孔紫黑者三日後死勿

治

一起發時兩腮虛腫成塊有膊腰臂皆有成塊堅硬者五日死勿治

一起發時有痘變黑乾枯者延及遍身俱乾黑者七日後死勿治  
一起發時先出痘形以漸不見者三日內死勿治